

SIARAN MEDIA
Untuk Siaran Segera
11 Jun 2026

SD Guthrie Menggariskan Strategi Pertumbuhan Jangka Panjang di Mesyuarat Agung Tahunan

Pembangunan perindustrian segmen perniagaan baharu memacu perolehan pendapatan melangkaui hasil minyak sawit

Petaling Jaya, 11 Jun 2026 – SD Guthrie Berhad (Guthrie) hari ini menyempurnakan Mesyuarat Agung Tahunan (AGM) yang membentangkan prestasi Kumpulan bagi tahun kewangan berakhir 31 Disember 2025 serta semua resolusi yang diluluskan oleh para pemegang saham syarikat tersebut.

Bagi tahun kewangan tersebut, Guthrie mencatatkan keuntungan bersih tertinggi sebanyak RM2.5 bilion, iaitu peningkatan sebanyak 16% berbanding tahun sebelumnya (TK2024), sekali gus mencerminkan kekuatan prestasi operasi syarikat tersebut serta pelaksanaan strateginya yang berdisiplin.

Para pemegang saham turut diberi penerangan strategi pertumbuhan jangka panjang Guthrie yang menggariskan model perniagaan perladangan bersepadu “One Stream”, merangkumi keseluruhan rantaian nilainya serta disokong segmen perniagaan terbaharunya iaitu pembangunan perindustrian.

Pengerusi Guthrie, Tan Sri Dr Nik Norzrul Thani Nik Hassan Thani menegaskan komitmen Syarikat tersebut dalam meraih pulangan mampan serta memperkukuhkan kecekapan operasi dan penjagaan alam sekitar.

“Pada tahun 2025, Guthrie mencapai keuntungan bersih tahunan tertinggi, dipacu oleh pengurusan kos yang berdisiplin serta penambahbaikan operasi perniagaan teras kami iaitu minyak sawit. Buat julung-julung kalinya, segmen pembangunan perindustrian kami turut mencatatkan sumbangan, dan ini dijangka akan terus berkembang apabila potensi aset tanah strategik kami di seluruh negara terus dimanfaatkan,” katanya.

Presiden & Ketua Pegawai Eksekutif Kumpulan, Mohd Haris Mohd Arshad menambah, “Guthrie berada di landasan kukuh untuk mencapai sasaran sumbangan PATAMI tahunan antara RM500 juta hingga RM700 juta daripada segmen Pembangunan Perindustrian & Tenaga Boleh Diperbaharui. Melalui kerjasama strategik dan pelaksanaan berdisiplin, kami akan terus merealisasikan nilai aset tanah milik kami dan memacu pertumbuhan mampan untuk jangkamasa panjang dalam segmen ini di seluruh Malaysia.”

Antara resolusi utama yang diluluskan di AGM tersebut termasuklah pembayaran yuran dan manfaat Pengarah, pemilihan semula ahli-ahli Lembaga Pengarah Guthrie termasuk Presiden & Ketua Pegawai Eksekutif Kumpulan, serta pelantikan semula PricewaterhouseCoopers PLT sebagai juruaudit luar syarikat tersebut.

Lembaga Pengarah turut merakamkan penghargaannya kepada Datuk Mohamad Helmy Othman Basha atas perkhidmatan cemerlang dan sumbangan bermakna beliau kepada syarikat, dengan tempoh penjawatan beliau sebagai penasihat kepada Lembaga Pengarah yang bakal berakhir pada hujung bulan ini.

Untuk maklumat lanjut, sila layari www.sdguthrie.com.

Mengenai SD Guthrie Berhad

SD Guthrie Berhad (Guthrie) ialah syarikat global terkemuka dan bertanggungjawab dalam sektor pengeluaran Minyak Sawit Disahkan Mampan (CSPO). Dengan tenaga kerja hampir 83,000 orang, kami memenuhi keperluan pengguna dan pelbagai jenama makanan di 86 buah negara. Minyak sawit yang kami hasilkan adalah bebas daripada penebangan hutan dan boleh dikesan sumber asalnya.

Dengan sejarah penubuhan melangkaui 200 tahun, kami kini merupakan peneraju inovasi yang membangunkan generasi baharu robotik serta penyelesaian berasaskan teknologi bagi sektor minyak sawit dan perniagaan tani. Kami turut memenuhi permintaan bagi tenaga boleh diperbaharu melalui pembangunan projek solar dan taman perindustrian berprestasi tinggi, sambil memanfaatkan kepimpinan kami dalam kelestarian untuk membina lebih banyak kejayaan serta perniagaan yang siap siaga menghadapi masa depan.

Kelestarian adalah teras kepada segala yang kami lakukan. Sebagai syarikat minyak sawit pertama dunia dengan sasaran pengurangan gas rumah hijau bersih-sifar yang diluluskan oleh Science Based Targets initiative (SBTi), kami melangkaui dan meningkatkan penanda aras sedia ada melalui rangka kerja kelestarian "Beyond Zero", demi memacu perubahan yang bermakna dalam sektor industri kami.

Guthrie mengendalikan 232 ladang sawit di Malaysia, Indonesia, Papua New Guinea, dan Kepulauan Solomon, yang disokong oleh 10 kilang penapisan dengan jumlah kapasiti tahunan sebanyak empat juta tan metrik. Kami menghasilkan 12% daripada jumlah keseluruhan CSPO di dunia. Kami juga menghasilkan dan menjual pelbagai derivatif minyak sawit seperti oleokimia, biodiesel, dan nutraseutikal, serta giat membangun dan mengkomersialkan benih sawit berprestasi tinggi dan lebih berdaya tahan terhadap cabaran perubahan iklim.

Disenaraikan di Bursa Malaysia (KLSE: SDG) dengan modal pasaran sebanyak RM41.70 billion (USD10.26 billion) setakat 10 Jun 2026, Guthrie adalah salah satu syarikat strategik milik Permodalan Nasional Berhad, syarikat amanah saham terbesar di Malaysia dan pemegang saham utama kami. Kami turut disokong oleh beberapa institusi pelaburan besar yang lain seperti Kumpulan Wang Simpanan Pekerja (KWSP) dan Kumpulan Wang Persaraan (Diperbadankan) (KWAP).

Untuk maklumat lanjut, sila layari www.sdguthrie.com.

Atau Hubungi:

- **Michael Murty, Komunikasi Strategik**
Tel: +6016-326 8373 | E-mail: michael.murty@sdguthrie.com
- **Azneal Azam, Komunikasi Strategik**
Tel: +6016-337 6160 | E-mail: azneal.azam@sdguthrie.com